

Kalendari i Lutjes per burra Janar 2018

1. "Sepse kështu u thotë Zoti atyre të Judës dhe të Jeruzalemit: "Lëroni arën tuaj të lënë djerrë dhe mos mbillni midis ferrave." (Jeremia 4: 3)! Ji gati për të filluar vitin me guxim. Besoji Zotit që të ofrojë vizionin, mençurinë dhe burimet që të duhet për të qënë një njeri me vlerë dhe që bën një ndryshim për Mbretërinë e tij.
2. Perëndia nuk kujdeset vetëm për mbulimin e mëkateve tona, por edhe në formësimin e karaktereve tona. Kërkojini Atij sot që t'ju ndihmojë të zhvillonin një karakter si Krishti (1 Korintasve 11: 1).
3. Përlësia është një nga tiparet më të pakuptueshme të personalitetit, por një aftësi kaq e dobishme dhe e nevojshme për të shmangur dhe zgjidhur konfliktet. Lutuni që përlësia si e Krishtit, do të jetë një shenjë e dukshme në jetën tuaj (Filipianëve 2: 3-5).
4. Një ditë Jezusi do t'ju pyes ballë për ballë, si keni shpenzuar burimet e ndryshme që Ai ju lejoi të menaxhoni. Lutuni që Perëndia do t'ju ndihmojë të jeni një menaxher i mirë i çfarëdo pasurie tuajën; force fizike, aftësi praktike, marrëdhënie të mira, shëndet të mirë, një familje të mirë, të mira materiale, para ... (Mateu 6: 20.21).
5. A doni të bëheni më shumë si Krishti? Kaloni më shumë kohë së bashku me Të! Ai gjithmonë është duke pritur përgjigjen tuaj ndaj thirrjes së Tij për miqësi të ngushtë. Ai është i gatshëm t'ju japë vëmendjen e tij të plotë çdo kohë. Lutuni që Perëndia t'ju ndihmojë të ndani kohën tuaj me mençuri (1 Korintasve 1: 9).
6. Lutuni sot që të jeni një ambasador i mirë për Krishtin kudo që të shkoni - të jeni një aromë erëmirë e Krishtit (2 Korintasve 2:15).
7. Çiftet mund të jetojnë së bashku, por mund të sillen me njëri-tjetrin sikur të jenë të divorcuar. Lutuni që burrat në martesë të vështira do të përulën para Zotit dhe do të përkushtohen në marrjen e hapave për të rifreskuar marrëdhëniet me gratë e tyre. (Mateu 5: 23-24)
8. Bibla urdhëron burrat të jetojnë me gratë e tyre në një mënyrë të kuptueshme, por i njëjti parim mund të zbatohet edhe për vajzat e tyre. Lutuni që etërit do t'i duan bijat e tyre në një mënyrë të kuptueshme. (1 Pjetrit 3: 7)
9. Pa dashje, gratë mund të plagosin zemrën e burrit. Lutuni që burrat nuk do të përgjigjen në të njëjtën mënyrë, por do falin dhe do t'i duan ato me dashurinë e Perëndisë. (Efesianëve 5: 2)
10. Gjuhët e burrave kanë fuqinë për të ndërtuar ose për të shkatërruar familjet e tyre. Lutuni që Perëndia do të nxisë zemrat e burrave për të ndërtuar dhe për të inkurajuar gratë dhe fëmijët e tyre me fjalët e tyre. (Jakobi 3: 5)
11. Gjëja më e mirë që burri dhe babai mund të bëjë për familjen e tij është të rritet më thellë në marrëdhënien e tij me Perëndinë. Lutuni që Perëndia të nxisë burrat që të thellojnë besimin e tyre tek Ai dhe të mbështeten tek Ai për t'i udhëhequr ata në përgjegjësitë e tyre familjare. (Jeremia 29:13)
12. Një prej pengesave në marrëdhënie është paragjykimi. Sidoqoftë, për shkak se Perëndia është i paanshëm, "kampionët" duhet të vlerësojnë të gjithë, pavarësisht nga përkatësia etnike ose kombësia. "Dhe në qoftë se thërrisni si Atë atë që, pa favorizuar njeri, gjykon sipas veprës së gjithsecilit, kalojeni kohën e shtegtimin tuaj mbi dhe me frikë" (1 Pjetrit 1:17).
13. Si ndërmjetës, duhet të promovojmë drejtësinë dhe të vërtetën. Ndonëse bota është e mbushur me padrejtësi, ne duhet të jemi kripë dhe dritë, duke pritur kthimin fitimtar të Krishtit. Zbulesa 15: 3 profetizon këtë triumf: «dhe këndonin këngën e Moisiut, shërbëtorit të Perëndisë, dhe këngën e Qengjit, duke thënë: "Të mëdha dhe të mrekullueshme janë veprat e tua, o Zot, Perëndi i plotfuqishëm; të drejta dhe të vërteta janë udhët e tua, o Mbret i kombeve"(Zbulesat 15: 3)
14. Disa nga burrat janë femijë të adoptuar dhe/ose kanë një marrëdhënie zhgënjyese me babain e tyre tokësor. Megjithatë, në Krishtin kemi një identitet të ri si bij të Perëndisë dhe sigurinë e lutjes për një Perëndi që na mirëpret. "Sepse ju nuk keni marrë një frymë robërie, që të keni përsëri frikë, po keni marrë frymën e birërisë, me anë të së cilës ne thërrasim: "Aba, o Atë! Vetë Fryma i dëshmon frymës sonë se ne jemi bij të Perëndisë"(Rom.8:15.16)
15. Në vështirësitë e jetës ne mund të inkurajohemi nga ndihma e Shpirtit të Shenjtë. Krishti dha këtë premtim që është përmbushur në besimtarët: " por Ngushëlluesi, Fryma e Shenjtë, që Ati do ta dërgojë në emrin tim, do t'ju mësojë çdo gjë dhe do t'ju kujtojë të gjitha këto që ju thashë." (Gjoni 14:26).
16. Shumë nga sfidat tona duken të pakapërcyeshme. Kështu u ndje udheheqësi i Izraelit kur u rikthye në një Jeruzalem të shkatërruar. Por siguria që ju dha atij është gjithashtu një premtim dhe për ne sot: " Atëherë ai, duke u përgjigjur, më tha: "Kjo është fjala e Zotit drejtuar Zorobabelit: Jo për fuqinë dhe as për forcën, por për Frymën time," thotë Zoti i ushtrive" (Zech. 4: 6).
17. Ndershmëria është një nga tiparet e karakterit që u mungon shumë burrave . "Zot, na bind për nevojën tonë për të qënë të sinqertë në të gjitha çështjet e jetës. Le të kujdesemi të veprojmë mirë jo vetëm përpara Zotit, por edhe përpara njerëzve. (2 Korintasve 8:21)
18. Ndershmëria ndryshe përkufizohet si i lirë nga mashtrimi, duke qënë i sinqertë, ashtu si Filipi,

nga i cili Jezusi tha : "Nuk ka mashtrim". "Zot, na lejo të jemi të lirë nga mashtrimi, të jemi transparentë dhe të vërtetë." (Efesianëve 4:25)

19. Ndershmëria është e rëndësishme në shumë nivele që nga marrëdhëniet me familjen, vendin tonë të punës dhe bashkëveprimin me fqinjët tanë. Mateu 7:16 na thotë që ne do të njihemi nga fryti që japim. "Zot, bëj që fryti i jetës sonë të jetë integriteti, qëndrueshmëria dhe vërtetësia në të gjitha marrëdhëniet tona".

20. Gënjeshtria vjen nga djalli (Gjoni 8:44). "Zot, na mbaj të mos shfaqim ndonjë ngjashmëri me armikun e shpirtit tanë. Na bëj më shumë si Krishti që është rruga, e vërteta dhe jeta". (Gjoni 14: 6)

21. Ndonjëherë, ne jemi të tunduar të tregojmë ato që disa i quajnë "gënjeshtria të vogla të bardha". "Zot, bëj që Fryma e Shenjtë të ketë aq ndikim të madh mbi mendjet dhe gjuhët tona, sa që ne të urrejme çdo formë të pavërtetës që do ta kompromentonte të vërtetën në jetën tonë". (Proverbat 12:22)

22. Një nga rezultatet e menjëhershme të rënies së njerëzimit është abuzimi dhe shfrytëzimi i grave nga burra të paskrupullt. Në Jezu Krishtin ka shpengim dhe shërim të këtij mëkati të mjeruar (Galatasve 3:27, 28). Feminizmi ekstrem planifikon të zhdukë këto konflikte për të gjithë, duke eliminuar dallimet gjinore. Lutuni që burrat dhe gratë t'i drejtohen Ungjillit në mënyrë që të përjetojnë restaurimin e identitetit të tyre të vërtetë gjinor.

23. "Kështu Perëndia krijoi njeriun simbas shëmbëlltyrës së vet, simbas shëmbëlltyrës së Perëndisë; Ai krijoi mashkullin e femrën." (Zanafilla 1:27). Lutuni që Zoti të ndihmojë edukatorët dhe politikanët që të njohin faktet e pandryshueshme dhe biologjike të krijimit dhe të dinë si t'i përgjigjen pretendimeve të ideologjisë gjinore, se këto janë vetëm konstrukcione kulturore dhe shoqërore.

24. Imoraliteti në rritje dhe mungesa e parimeve biblike e udhëhoqën brezin tonë për të mohuar vlerat tradicionale. Ideologjia gjinore, duke injoruar faktorë të dukshëm biologjikë, deklaroi se është e drejta e njeriut të zgjedhë seksin e vet. Lutuni që Perëndia të ngrejë burra dhe gra të përgatitur për t'iu përgjigjur kësaj filozofie të dëmshme që po infiltrohet në sistemin arsimor. (Mateu 5: 13-15)

25. Formimi biologjik, social dhe emocional i burrave dhe grave, për nga natyra është shumë i dallueshëm. Në të kundërt, ideologjia gjinore, mëson se këto dallime janë vetëm stereotipet e nxjerra nga kultura dhe shoqëria. Secili person duhet të jetë i lirë të zgjedhë nga një shumëllojshmëri gjinore. Lutuni që Perëndia të ketë mëshirë për brezin e ardhshëm dhe të përdorë kishën e tij për të dërguar dritë në këtë konfuzion moral. (Romakëve 1: 18-32)

26. Një mik më tha se po lutet për mua që të kem: 1. Vizionin e Palit; 2. Durimin e Jobit; 3. Dashmirësinë e Jonatanit; 4. Besimin e Abrahamit; 5. Guximin e Pjetrit; 6. Përmbajtjen e Danielit; 7. Butësinë e Moisiut; 8. dhe dashurinë e Jezu Krishtit. A do të ishit të gatshëm të angazhoheni sot që të luteni sipas kësaj lutje për mikun tuaj?

27. Lonnie Berger, drejtori i ri i shërbesës së burrave të TWR-së, iu nënshtrua një operacioni të madh në nëntor. A mund të luteni për shërimin e tij të plotë? Lonnie është ai që na kujton gjithmonë Filipianët 4:6, "*Mos u shqetësoni për asgjë, por, në çdo gjë, ia parashtroni kërkesat tuaja Perëndisë me anë lutjesh dhe përgjërimesh, me falënderim.*"

28. Rreth 30.000 burra në SHBA marrin pjesë në grupe të vogla dishepullizimi përmes librit "Cdo burrë është një luftëtar, pjesë e shërbesës së burrave në TWR. Gjatë udhëtimit të Lonnie Berger në Brazil në tetor, pastorët dhe

udhëheqësit e krishterë shfaqën interes të madh për grupet fillestare. TWR ftoi Edmund Spieker për të koordinuar këtë nismë të re në Brazil për dy vitet e ardhshme. Lutuni që Zoti të përdorë materialet "Cdo burrë është një luftëtar" për të sjellë ringjallje mes burrave të krishterë në atë vend. (Psalmet 147: 15)

29. Kriza e lidhshimit midis burrave të krishterë është mbarëbotërore. Kërkesa për të filluar shërbesën e burrave të TWR-së është pranuar nga Koreja dhe Japonia. Vazhdoni të luteni për këtë shërbesë jetësore. Programet e NGRITJA E KAMPIONEVE transmetohen në 11 gjuhë dhe kalendari i lutjes publikohet në 14 gjuhë. (1 Korintasve 16:9)

30. Në 50 vende, të krishterët po përndiqen. Organizata "Dyer të hapura" kategorizon 10 vende me persekutim ekstrem, 19 me persekutim shumë të lartë dhe 21 me persekutim të lartë. Ju lutemi të ndërmjetësoni për miliona vëllezërit tanë që vuajnë për hir të Krishtit. Lutuni që ata të mos humbasin besimin, por që t'i besojnë Zotit dhe të vazhdojnë të bëjnë të mirën. (1 Pjetri 4:19)

31. Sigurohuni që prioritetet tuaja në jetë të ndjekin axhendën e Perëndisë. Është shumë e lehtë të devijosh dhe të humbësh intimitetin me Perëndinë dhe vizionin për atë që me të vërtetë ka rëndësi në fund. Jini të zellshëm për kohën tuaj të përditshme të devocionit, duke studiuar Shkrimet dhe duke u bërë nje burrë lutjesh. Jetoni me premtimin e Perëndisë! (Josiu 1: 8)